

IDIAZABALGO UDALA

Iragarkia

Jendaurreko informazio epea igaro ondoren inolako erreklamazio edo iradokizunik jaso gabe, behin betiko onartuta gelditu da Idiazabalgo Udalean fakturak bide elektronikoz aurkezteko araudia.

Toki Araubidearen Oinarriak arautzen dituen apirilaren 2ko 7/1985 Legearen 70.2 artikulua agindutakoa betez, aipatu Araudiaren testu osoa argitaratzen da.

Erabaki hau behin betikoa da eta amaiera ematen dio administrazio bideari. Bi hilabeteko epean errekurtsioa jar daiteke Euskal Herriko Auzitegi Nagusiaren Administrazioarekiko Auzietarako Sailaren aurrean. Esandako epea iragarki hau argitaratu eta hurrengo egunetik aurrera hasiko da.

Idiazabalgo Udalean fakturak bide elektronikoz aurkezteko araudia.

Udal honek bere helburu nagusien artean du kudeaketa eraginkorrago bat lortzea, bere funtzionamendua hobetuko duena, baliabideak era egokienean erabiliz. Bide honetatik, Udalak erabaki du hornitzaileen faktura elektronikoa onartzea, bai Gipuzkoako Foru Aldundiak eta bai beste zenbait udalek ere egin duten bezala, aitzindari moduan. Era honetara, administrazio elektronikoa baten aldeko apustua egiten da, kudeaketa erraztu eta ordainketa epeak nabarmen murriztea ahalbideratuko duena.

Hornitzaileentzat, bestalde, abantaila handiak eskaintzen ditu. Alde batetik, faktura elektronikoa sortzeko doako software bat eskuragarri jarriko da, guztiz erabilteraza, fakturazio kostuak txikitzea ekar diezaikeena (inprimatzea, paperaren erabilera, posta gastuak, e.a. ekidinez). Bestalde, faktura bat-batean erregistratzen da, eta hornitzaileak berehala jasoko du erregistro horren berri. Azkenik, berehalako erregistro horrek kobratzeko epeak murriztea ahalbideratuko du.

Hori horrela, beharrezko gertatzen da fakturazio elektronikoa hau zein baldintzetan emango den zehaztea, hau da, zer formatu izan behar duen Idiazabalgo Udalarik bidaltzen zaion faktura elektronikoa, zer baldintza tekniko bete behar dituen, eta zer prozedura erabili behar diren faktura elektronikoa bidaltzeko prozesu orotan.

Ondorioz, honako hau.

XEDATU DUT

Lehena. Xedea eta eremu subjektiboa.

Araudi honen xedea da Idiazabalgo Udalarik faktura elektronikoa egin eta bidali behar dizkioten guztientzat estandar eta baldintza tekniko uniformeak ezartzea, eta bidalketa egiteko prozedurak eta horretarako beharrezkoak diren zehaztapenak finkatzea.

Bigarrena. Idiazabalgo Udalarik faktura elektronikoa bidaltzeko baldintza teknikoak.

Kontratazio administratiboaren esparruan, Udalarik zuzendutako faktura elektronikoen jatorriaren benetakotasuna eta edukiaren osotasuna sinadura elektronikoa balioztatua erabiliz bermatu behar dira, sinadura elektronikoa arautzen duen abenduaren 19ko 59/2003 Legeak 3.3 artikuluan jasotakoari jarraiki.

Faktura elektronikoa horiek «Facturae» formatua izan behar dute. Honi dagokionez, Udalgida web orrian, www.udalgida.net helbidean, kontsultatu ahal izango da «Facturae» formatuak une bakoitzean erabilgarri dituen bertsioei buruzko informazioa.

Sinadura elektronikoa formatuak zehaztapen hau bete behar du: XML-Advanced Electronic Signatures (XAdES), ETSI TS 101 903. XAdES formatuaren 1.2.2 eta 1.3.2. bertsioak erabili ahal izango dira. Sinadurak XAdES-EPES eta XAdES-XL luzapenak izatea onartuko da.

Aurreko paragrafoetan jasotako formatu eta zehaztapenak bete gabe Udalarari bidaltzen zaizkion faktura elektronikoak errefusatuta geratuko dira.

Hirugarrena. Idiazabalgo Udalarari faktura elektronikoak bidaltzeko prozedurak.

1. Bi modutan bidali ahal izango dira fakturak:

a) Fakturazio elektronikoaren web zerbitzuari deituz, protokolo seguru baten bitartez. Ondorio hauetarako, Udalgida web orrian argitaratuko da deitu beharreko web zerbitzuaren URL helbidea.

b) Posta elektronikoa erabiliz. Ondorio hauetarako, faktura elektronikoak postari erantsiko zaizkio, eta ondoko helbide elektronikora bidaliko dira: udal_fakturaelektronikoak@gipuzkoa.net

2. Faktura jaso ondoren, mezu baten bitartez bidaltzaileari adieraziko zaio faktura onartu den edo errefusatu den.

3. Xedapen honetan jasotako prozedura eta zehaztapenak bete gabe Idiazabalgo Udalera bidaltzen diren faktura elektronikoak bidali gabekotzat hartuko dira.

4. Udalgida web orrian fakturazio elektronikorako doako software bat izango da eskura, interesdunek faktura elektronikoak egin eta bidal ditzaten.

Laugarrena. Faktura elektronikoak hornitzaileei itzultzea.

Fakturan jasotako gastuaren ordainketa bidezkoa ez denean, Idiazabalgo Udalak hornitzaileari itzuliko dio formatu elektronikoan bidalitako faktura, eta adieraziko dio zer arrazoi argudiatu dituen hura itzultzeko. Itzulketa bide telematikoz egingo da, faktura elektronikoa Udalera bidaltzeko unean bidaltzaileak adierazitako helbide elektronikoa berbera erabilia.

Bosgarrena. Fakturen erregistroa.

Uztailaren 5eko 15/2010 Legeak, merkataritza eragiketarako berankortasunaren kontrako neurriei buruzko abenduaren 29ko 3/2004 Legea aldatzen duenak, 5. artikuluan ezartzen duenez, udal entitateek erregistro bat sortu behar dute, kontratistek egindako fakturak bertan jasotzeko. Ondorio horretarako, udal honetan sarEko aplikazioko Fakturen erregistroa izango da aipatutako legeak exijitutako erregistroa.

Idiazabal, 2014ko urtarrilaren XXX.- Alkateak.